

গণপ্রজাতন্ত্রী বাংলাদেশ সরকার

তথ্য অধিদফতর



আঞ্চলিক তথ্য অফিস, ময়মনসিংহ



সংবাদকক্ষ : ০২-৯৯৬৬৬১৩৭০ E-mail- pidmymensingh@gmail.com, Facebook: Pid Mymensingh

## সংবাদ গতিধারা

স্থানীয় দৈনিকসমূহে প্রকাশিত সংবাদ, সম্পাদকীয়'র সারসংক্ষেপ,  
গুরুত্বপূর্ণ নিবন্ধ ও ফিচারের সংক্ষিপ্তসার

সংখ্যা-৪২/২০২৩-২০২৪

ময়মনসিংহ, ০৫ অক্টোবর, বৃহস্পতিবার ২০২৩, ২০ আশ্বিন ১৪৩০

আজকের স্থানীয় দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে:

- ০১। সুধীজনের উপস্থিতিতে ময়মনসিংহে দৈনিক আমাদের সময় পত্রিকার প্রতিষ্ঠাবার্ষিকী উদযাপিত
- ০২। আসন্ন শারদীয় দুর্গাপূজা উপলক্ষ্যে প্রস্তুতি ও মতবিনিময় সভা অনুষ্ঠিত
- ০৩। ময়মনসিংহ মেডিকেল কলেজ হাসপাতালে ডেঙ্গু আক্রান্ত হয়ে রোগী ভর্তি ৮১ জন
- ০৪। নেত্রকোনার কলমাকান্দায় ০৫ টি উন্নয়ন প্রকল্পের কাজের উদ্বোধন
- ০৫। ময়মনসিংহ টেলিভিশন রিপোর্টার্স ইউনিটির নির্বাচন অনুষ্ঠিত

### ০১। সুধীজনের উপস্থিতিতে ময়মনসিংহে দৈনিক আমাদের সময় পত্রিকার প্রতিষ্ঠাবার্ষিকী উদযাপিত

ময়মনসিংহ সিটি কর্পোরেশন (মসিক) এর শহীদ শাহাবুদ্দিন মিলনায়তনে বুধবার (০৪ অক্টোবর) বেলা ১১টায় দৈনিক আমাদের সময় পত্রিকার প্রতিষ্ঠাবার্ষিকী উদযাপিত হয়েছে। অনুষ্ঠানে প্রধান অতিথি হিসেবে উপস্থিত ছিলেন মসিক মেয়র মোঃ ইকরামুল হক টিটু। জনপ্রতিনিধি, প্রশাসন, রাজনৈতিক, সুশীল সমাজ, সাংবাদিকসহ বিভিন্ন শ্রেণী-পেশার শীর্ষস্থানীয় ব্যক্তিবর্গের মেলবন্ধনে অত্যন্ত আনন্দঘন পরিবেশে পত্রিকাটির ১৯তম প্রতিষ্ঠাবার্ষিকী পালন করা হয়। অনুষ্ঠানে ময়মনসিংহের অতিরিক্ত বিভাগীয় কমিশনার (সার্বিক) মোঃ আনোয়ার হোসেন, জেলা প্রশাসক মোঃ মোস্তাফিজার রহমান, আঞ্চলিক তথ্য অফিস ময়মনসিংহের উপ-প্রধান তথ্য অফিসার মোঃ ওমর ফারুক দেওয়ান প্রমুখ উপস্থিত ছিলেন। সূত্র: দৈনিক স্বদেশ সংবাদ, দৈনিক ব্রহ্মপুত্র এক্সপ্রেস, দৈনিক সবুজ, দৈনিক নিউ টাইমস ও দৈনিক আজকের ময়মনসিংহ।

### ০২। আসন্ন শারদীয় দুর্গাপূজা উপলক্ষ্যে প্রস্তুতি ও মতবিনিময় সভা অনুষ্ঠিত

আসন্ন শারদীয় দুর্গাপূজা সুষ্ঠুভাবে ও নিরাপদে উদযাপনের লক্ষ্যে মঙ্গলবার (০৩ অক্টোবর) বিকালে ময়মনসিংহের মুক্তাগাছা থানা কম্পাউন্ডে প্রধান অতিথি হিসেবে সংস্কৃতি প্রতিমন্ত্রী কেএম খালিদ এমপির উপস্থিতিতে আইনশৃঙ্খলা বিষয়ক মতবিনিময় সভা অনুষ্ঠিত হয়েছে। এছাড়া নেত্রকোনা, ময়মনসিংহের ফুলবাড়িয়া, ফুলপুর, গৌরীপুর, জামালপুরের দেওয়ানগঞ্জে দুর্গাপূজা উপলক্ষ্যে প্রস্তুতিমূলক ও মতবিনিময় সভা অনুষ্ঠিত হয়। সূত্র: দৈনিক স্বদেশ সংবাদ, দৈনিক স্বজন, দৈনিক ব্রহ্মপুত্র এক্সপ্রেস, দৈনিক নিউ টাইমস ও দৈনিক আজকের ময়মনসিংহ।

### ০৩। ময়মনসিংহ মেডিকেল কলেজ হাসপাতালে ডেঙ্গু আক্রান্ত হয়ে রোগী ভর্তি ৮১ জন

ডেঙ্গু আক্রান্ত হয়ে ময়মনসিংহ মেডিকেল কলেজ হাসপাতালে মোট রোগী ভর্তি রয়েছে ৮১ জন। এর মধ্যে পুরুষ ৫৬, নারী ২০ ও শিশু রয়েছে ০৫ জন। ২৪ ঘন্টায়ে নতুন ১৯ জন ডেঙ্গু আক্রান্ত রোগী ভর্তি হয়েছেন এবং সুস্থ হয়ে বাড়ি ফিরে গেছেন ১৯ জন। বুধবার (০৪ অক্টোবর) দুপুরে এ তথ্য নিশ্চিত করেছেন হাসপাতালের ডেঙ্গু ইউনিটের ফোকাল পারসন ফরহাদ হোসেন হিরা। সূত্র: দৈনিক স্বদেশ সংবাদ।

### ০৪। নেত্রকোনার কলমাকান্দায় ০৫ টি উন্নয়ন প্রকল্পের কাজের উদ্বোধন

নেত্রকোনার কলমাকান্দা উপজেলায় ০৫ টি উন্নয়ন প্রকল্পের কাজ উদ্বোধন করা হয়েছে। বুধবার (০৪ অক্টোবর) স্থানীয় সংসদ সদস্য মানু মজুমদার প্রকল্পগুলো উদ্বোধন করেন। উন্নয়ন প্রকল্পগুলোর মধ্যে রয়েছে- পাগলা নদীর উপর গার্ডার ব্রিজ নির্মাণ, পাগলা-খলা সড়ক, মনতলা-কেশবপুর সড়ক, কলমাকান্দা জিসি- পাঁচগাও জিসি সড়ক পুনর্বাসন, রংছাতি মোড়-কৃষ্ণপুর বাজার পর্যন্ত সড়ক পাকাকরণ। সূত্র: দৈনিক সবুজ।

### ০৫। ময়মনসিংহ টেলিভিশন রিপোর্টার্স ইউনিটের নির্বাচন অনুষ্ঠিত

বুধবার (০৪ অক্টোবর) দুপুরে ৭১ টেলিভিশনের ময়মনসিংহে অফিসে ময়মনসিংহ টেলিভিশন রিপোর্টার্স ইউনিটের বার্ষিক সাধারণ সভা শেষে দ্বিবার্ষিক নির্বাচন অনুষ্ঠিত হয়েছে। নির্বাচনী ফলাফলে ৭১ টেলিভিশনের বাবুল হোসেন সভাপতি ও বৈশাখী টেলিভিশনের আনম ফারুক সাধারণ সম্পাদক পদে পুনঃনির্বাচিত হয়েছেন। সূত্র: দৈনিক স্বদেশ সংবাদ, দৈনিক স্বজন ও দৈনিক সবুজ।

## সম্পাদকীয়

- (ক) **দৈনিক নিউ টাইমস ও দৈনিক আজকের ময়মনসিংহ:** অপরিবর্তিত নগরায়নের কারণে সারা দেশেই বৃক্ষ নিধন চলছে। নতুন গাছ লাগানো না হলেও পুরনো গাছ কেটে ফেলা হচ্ছে। বৃক্ষ নিধন বন্ধ না হলে প্রকৃতি অতিবৃষ্টি, অনাবৃষ্টি, অতি-উষ্ণতা বা শীতে জনজীবন বিপর্যস্ত করে তুলবে। উন্নয়ন অবশ্যই প্রয়োজন, তাই বলে প্রকৃতি ধ্বংস করে নয়। প্রকৃতির ভারসাম্য রক্ষায় সবার সচেতনতা জরুরি।
- (খ) **দৈনিক ব্রহ্মপুত্র এক্সপ্রেস:** সোমবার সন্ধ্যায় ঢাকা, ময়মনসিংহ, রংপুর, নাটোরসহ দেশের কয়েকটি জায়গায় মৃদু ভূমিকম্প অনুভূত হয়েছে। যদিও কোনো হতাহতের ঘটনা ঘটেনি। তবে এই ভূমিকম্প আমাদের জন্য অশনিসংকেত। জাতিসংঘের দুর্ভোগ ঝুঁকি সূচকের তথ্য অনুযায়ী, ভূমিকম্পপ্রবন অঞ্চল হিসেবে বিশ্বের ঝুঁকিপূর্ণ ২০টি শহরের মধ্যে দ্বিতীয় স্থানে রয়েছে ঢাকার নাম। ভূমিকম্প ঝুঁকি মোকাবেলায় আমাদের সরকার বা জনগণ কতটা প্রস্তুত সেটা বিবেচনায় আনা খুবই জরুরী।
- (গ) **দৈনিক স্বদেশ সংবাদ:** বিশ্বে ডেঙ্গু সংক্রমণের শীর্ষে থাকা ব্রাজিলকেও ছাড়িয়ে গেছে বাংলাদেশ। এ রোগে আক্রান্ত মৃতের সংখ্যা ক্রমেই বাড়তে থাকায় মানুষ দেশের স্বাস্থ্য পরিস্থিতি নিয়ে উদ্বেগ। বস্তুত, এবারে ডেঙ্গু পরিস্থিতি অতীতের সব রেকর্ড ছাড়িয়ে গেছে। দেশে ডেঙ্গু পরিস্থিতির উন্নতির জন্য সবাইকেই দায়িত্বশীলতার পরিচয় দিতে হবে। যেহেতু জলবায়ু পরিবর্তনের কারণে দেশে ডেঙ্গুর ভয়াবহতা বাড়ছে, সেহেতু পরিস্থিতি মোকাবেলায় সমন্বিত পদক্ষেপ নিতে হবে।

## প্রবন্ধ/নিবন্ধ

- ০১। ভূমি অপরাধ প্রতিরোধ ও প্রতিকার-মোহাম্মদ ওমর ফারুক দেওয়ান। সূত্র : দৈনিক সবুজ, দৈনিক নিউ টাইমস ও দৈনিক আজকের ময়মনসিংহ।
- ০২। শিক্ষক দিবসের ভাবনায় থাকুক শিক্ষক - নীলকণ্ঠ আইচ মজুমদার। সূত্র: দৈনিক স্বজন।

#

রিদওয়ান/রেজভী/সজিব/২০২৩/১০.৩০ ঘণ্টা।